

ЎЗБЕКИСТОН RESPUBLIKASI  
МАРКАЗИЙ БАНКИ БОШҚАРУВИНИНГ  
ҚАРОРИ

**296** Ўзбекистон Республикаси Марказий банки томонидан жисмоний шахслар-резидентларга нақд хорижий валютани Ўзбекистон Республикаси ҳудудидан ташқарига олиб чиқишга рухсатномалар бериш тартиби тўғрисидаги низомни тасдиқлаш ҳақида

*Ўзбекистон Республикаси Адлия вазирлиги томонидан 2015 йил 3 июнда рўйхатдан ўтказилди, рўйхат рақами 2678*

Ўзбекистон Республикасининг «Ўзбекистон Республикасининг Марказий банки тўғрисида»ги, «Валютани тартибга солиш тўғрисида»ги қонунларига ва Ўзбекистон Республикаси Президентининг 2013 йил 30 январдаги ПҚ–1914-сон «Жисмоний шахсларга хорижий валютани сотиш тартибини янада либераллаштириш чора-тадбирлари тўғрисида»ги қарорига мувофиқ Ўзбекистон Республикаси Марказий банки Бошқаруви **қарор қилади:**

1. Ўзбекистон Республикаси Марказий банки томонидан жисмоний шахслар-резидентларга нақд хорижий валютани Ўзбекистон Республикаси ҳудудидан ташқарига олиб чиқишга рухсатномалар бериш тартиби тўғрисидаги низом иловага мувофиқ тасдиқлансин.

2. Қуйидагилар ўз кучини йўқотган деб топилсин:

Ўзбекистон Республикаси Марказий банки Бошқарувининг 2003 йил 21 июндаги 13/7-сон «Ўзбекистон Республикаси Марказий банки Бошқарувининг 2000 йил 5 июлдаги 12/1-сон қарори билан тасдиқланган «Ўзбекистон Республикаси Марказий банки томонидан жисмоний шахслар-резидентларга нақд хорижий валютани республика ҳудудидан ташқарига олиб чиқишга рухсатномалар бериш тартиби тўғрисида»ги низомнинг янги таҳририни тасдиқлаш тўғрисида»ги қарори (рўйхат рақами 1253, 2003 йил 3 июль) (Ўзбекистон Республикаси вазирликлари, давлат қўмиталари ва идораларининг меъёрий ҳужжатлари ахборотномаси, 2003 й., 13-14-сон);

Ўзбекистон Республикаси Марказий банки Бошқарувининг 2003 йил 23 августдаги 20/1-сон «Ўзбекистон Республикаси Марказий банки Бошқарувининг 2000 йил 5 июлдаги 12/1-сон қарори билан тасдиқланган Ўзбекистон Республикаси Марказий банки томонидан жисмоний шахслар-резидентларга нақд хорижий валютани мамлакат ҳудудидан ташқарига олиб чиқишга рухсатномалар бериш тартиби тўғрисида низомнинг янги таҳририни тасдиқлаш тўғрисидаги» Бошқарув қарорига ўзгартиришлар киритиш тўғрисида»ги қарори (рўйхат рақами 1253-1, 2003 йил 9 сентябрь) (Ўзбекистон Республикаси вазирликлари, давлат қўмиталари ва идораларининг меъёрий ҳужжатлари ахборотномаси, 2003 й., 17-18-сон).

---

*Ўзбекистон Республикаси қонун ҳужжатлари тўплами, 2015 й.*

3. Мазкур қарор расмий эълон қилинган кундан эътиборан кучга киради.

**Марказий банк раиси**

**Ф. МУЛЛАЖОНОВ**

Тошкент ш.,  
2015 йил 16 май,  
12/6-сон

Ўзбекистон Республикаси  
Марказий банки Бошқарувининг 2015 йил  
16 майдаги 12/6-сонли қарорига  
ИЛОВА

**Ўзбекистон Республикаси Марказий банки томонидан  
жисмоний шахслар-резидентларга нақд хорижий валютани  
Ўзбекистон Республикаси ҳудудидан ташқарига олиб чиқишга  
рухсатномалар бериш тартиби тўғрисидаги  
НИЗОМ**

Мазкур Низом Ўзбекистон Республикасининг «Ўзбекистон Республикасининг Марказий банки тўғрисида»ги, «Валютани тартибга солиш тўғрисида»ги қонунлари ва Ўзбекистон Республикаси Президентининг 1998 йил 20 мартдаги ПФ-1979-сонли «Жисмоний шахсларнинг нақд хорижий валютани олиб келиши ва олиб чиқиб кетишини тартибга солиш чора-тадбирлари тўғрисида»ги Фармони, 2013 йил 30 январдаги ПҚ-1914-сонли «Жисмоний шахсларга хорижий валютани сотиш тартибини янада либераллаштириш чора-тадбирлари тўғрисида»ги қарорига мувофиқ жисмоний шахслар-резидентларга 5000 АҚШ доллари эквиваленти миқдоридан ошган нақд хорижий валютани Ўзбекистон Республикаси ҳудудидан ташқарига олиб чиқишга Ўзбекистон Республикаси Марказий банки томонидан (бундан буён матнда Марказий банк деб юритилади) рухсатнома бериш тартибини белгилайди.

1. Жисмоний шахслар-резидентлар томонидан 5000 АҚШ доллари эквиваленти миқдоридан ошган нақд хорижий валютани Ўзбекистон Республикаси ҳудудидан ташқарига олиб чиқиш учун Марказий банкининг рухсатномаси (бундан буён матнда рухсатнома деб юритилади) олиниши шарт.

2. Жисмоний шахслар-резидентларга рухсатномалар қуйидаги мақсадлар учун берилади:

а) Ўзбекистон Республикаси Вазирлар Маҳкамаси фармойишлари асосида ҳукумат делегациялари таркибида хорижий давлатларга чиқиш учун;

б) хорижий давлатларда доимий яшаш мақсадида хорижий давлатларга чиқиш учун;

- в) хизмат сафари юзасидан хорижий давлатларга чиқиш учун;
- г) таълим олиш мақсадида хорижий давлатларга чиқиш учун;
- д) бошқа мақсадлар учун (сайёҳлик сафарлари, даволаниш, қариндошларни кўриб келиш, спорт мусобақалари ва ҳ. к.).

3. Жисмоний шахслар-резидентлар рухсатнома олиш учун Марказий банкка қуйидаги ҳужжатларни тақдим этадилар:

- а) мазкур Низомнинг иловасига мувофиқ шаклда ариза;
- б) қуйидаги маълумотлар кўрсатилган ҳолда паспорт нусхаси: паспорт серияси, рақами ва берилган санаси; паспорт берган орган номи;

Ўзбекистон Республикаси ҳудудидан чиқиш ҳуқуқини берувчи рухсатнома белгиси (агар талаб қилинса);

хорижий давлатга чиқиш визаси (агар виза режими белгиланган бўлса);

Ўзбекистон Республикаси ҳудудида доимий рўйхатдан ўтганлиги тўғрисидаги белги;

в) Ўзбекистон Республикаси ҳудудидан чиқиш ҳуқуқини берувчи рухсатнома нусхаси (агар талаб қилинса);

г) нақд хорижий валютанинг келиб чиқиш манбасини тасдиқлайдиган ҳужжатларнинг асл нусхалари кўрсатилган ҳолда уларнинг нусхалари (ваколатли банкнинг ҳисобварақлар ва омонатлардаги хорижий валюта олинганлиги тўғрисидаги маълумотномаси ёки бошқа тасдиқловчи ҳужжатлар);

д) хизмат сафарига юборилаётган шахслар учун — хорижга хизмат сафарига юбориш тўғрисидаги буйруқнинг, таклиф этаётган тараф хатларининг нусхаси;

е) ҳукумат делегациялари таркибида хорижга бораётган шахслар учун — Ўзбекистон Республикаси Вазирлар Маҳкамаси фармойишининг нусхаси;

ж) хорижга чиқиш мақсадини тасдиқловчи бошқа ҳужжатлар — агар мавжуд бўлса.

4. Жисмоний шахслар-резидентларнинг аризаларини кўриб чиқиш ва уларга рухсатномаларни бериш ёки рухсатномалар беришни рад этиш ариза келиб тушган санадан бошлаб ўн кундан кечиктирмасдан амалга оширилади.

5. Марказий банк томонидан рухсатномалар беришда:

а) жисмоний шахслар-резидентлар мазкур Низомнинг 2-бандида кўрсатилган мақсадларда чет элга чиқаётганлиги;

б) жисмоний шахслар-резидентлар томонидан мазкур Низомнинг 3-бандида кўрсатилган ҳужжатлар тегишлилиги бўйича тўлиқ тақдим этилганлиги асос бўлади.

6. Жисмоний шахс-резидент томонидан мазкур Низомнинг 5-бандида кўрсатилган талабларга риоя қилинмаган тақдирда Марказий банк рухсатнома беришни рад этади ва бу ҳақда жисмоний шахс-резидентга ёзма равишда жавоб беради.

7. Такдим этилган ҳужжатлар мазкур Низом талабларига мувофик бўлганда, Марказий банк томонидан Нақд чет эл валютасида операцияларни амалга ошириш қоидаларининг (рўйхат рақами 957, 2000 йил 17 август) За-иловасида келтирилган 09006-1 шакл бўйича рухсатнома расмийлаштирилади.

Рухсатнома Марказий банк раисининг валюта айирбошлаш операцияларини амалга ошириш масалаларини мувофиқлаштириш бўйича масъул ўринбосари томонидан имзоланади.

8. Рухсатнома икки нусхада расмийлаштирилади, биринчи нусхаси жисмоний шахс-резидентга берилади, иккинчи нусхаси Марказий банкда қолдирилади.

9. Рухсатнома жисмоний шахслар-резидентлар томонидан божхона органларига топширилиши шарт.

10. Рухсатнома берилган санадан бошлаб уч ой давомида ҳақиқий ҳисобланади.

11. Мазкур Низом талабларининг бузилишида айбдор бўлган шахслар қонун ҳужжатларида белгиланган тартибда жавобгарликка тортиладилар.

Ўзбекистон Республикаси  
Марказий банки томонидан жисмоний шахслар-резидентларга нақд хорижий валютани Ўзбекистон Республикаси ҳудудидан ташқарига олиб чиқишга рухсатномалар бериш тартиби тўғрисидаги низомга  
ИЛОВА

Ўзбекистон Республикаси  
Марказий банкига

## АРИЗА

Мен \_\_\_\_\_  
(фамилияси, исми, отасининг исми)

\_\_\_\_\_ (паспорт серияси рақами, берилган санаси ва берган орган номи)

\_\_\_\_\_ га чиқишим муносабати билан  
(давлат номи, шаҳар)

\_\_\_\_\_ (хорижий валюта тури, миқдори (рақам ва сўз билан))

миқдоридаги нақд хорижий валютани Ўзбекистон Республикаси ҳудудидан олиб чиқишга рухсат беришингизни сурайман.

*Ўзбекистон Республикаси қонун ҳужжатлари тўплами, 2015 й.*

**22 (678)-сон**

**— 55 —**

**296-297-моддалар**

Хорижий давлатга чиқишдан мақсад (асос) \_\_\_\_\_

Кетиш санаси: 20\_\_йил «\_\_\_\_» \_\_\_\_\_.

Келиш санаси: 20\_\_йил «\_\_\_\_» \_\_\_\_\_.

Ф.И.О.

\_\_\_\_\_  
(имзо)

20\_\_ йил «\_\_\_\_» \_\_\_\_\_.